

會  
出  
詩  
少



832285

翁翁

翁翁

鈔

四

香



光緒八年十月  
南錢草堂刊藏



龔翁詩鈔序

龔

吳縣績學士錢秋潭先生生平於書無不窺尤邃於經治經尤獨好周易往在咸豐閒曾大父教授吳郡余在侍聞先生名耳熟焉而未及識也去歲始識先生次君乙生茂才亟問先德所著書則易經解十卷文集若干卷皆謹守勿墜詩四卷甫授刻已成編矣因丐余序余得受讀之并讀卷首小傳墓志諸篇而歎先生之學純粹以精爲不可及也先生富於文而嗇於命年過三十始獲一衿沈酣鄉閭迄未得當以發其素所蓄積宜乎

龔翁詩鈔

序

龔

一

有孟郊不平之鳴見於辭筆而卷中初無是庚申之變率義民扞患鄉里耨鋤白梃所至景附而孤軍無援空卷獨奮奔走海上卒櫻勞疾又宜有牧之罪言以紓其義憤而卷中亦無是先生詩有云緘口今逾甚軒眉事本難貞固之志精微之識二者皆見其在十翼曰不見是而无悶又曰括囊无咎无譽蓋言慎也此可知先生學易有得爲不虛也若夫詩格之高與其命意之簡遠讀是編者自能賞之不贅述云光緒九年歲在癸未暮春之初陽湖仲梓馮光適序

蘇州府人物志本傳

錢辰字秋潭廩生先世金匱人自幼好學潛心經術尤  
邃于易工詩五言短古雅近柴桑嘗選刻故友詩爲其  
賞集庚申城陷在金匱嘯傲涇團勇禦賊屢有擒獲旋  
赴上海謁今相國合肥李公乞援以積勞卒寓所長子  
家吉字辛生庠生亦能詩發憤治經先卒

翁翁詩鈔

傳

一

感逝集小傳

秋潭爲諸生工爲說經考據之文學使者每賞拔之余  
向未與深交劉辰孫愛其詩客滬時以其集見示錄存  
一百十首其詩不著蒙頭蓋面語信口而談時有意趣  
可玩品格近誠齋一派平日嘗集亡友數十人詩爲共  
賞集刻而傳之此其逸事之可紀者癸亥五月由鵝蕩  
至上海不數日遽病卒聞方欲訪余迄未果惜哉時辰  
孫沒亦未兩月也晚年自號龠翁聞嘗持蓋冒雨行河  
干爲大風吸墮河蓋浮水面堅持其柄得不墮淵遇救  
龠翁詩鈔

傳

二

起後蓋做乃製柄爲龠且以自號用志遇難不死云吳  
縣調生葉廷琯輯選

錢先生墓志銘

吳中故多敦行績學博聞好古之儒乾嘉以來如惠先生棟江先生聲數輩類通經稱大師爲世推重其顯者與薦舉箸述貢

天府道光之季又有陳先生奐卓然聞於時陳先生外並世罕其儔若錢先生其殆庶幾乎先生諱辰字秋潭先世自無錫遷蘇曾祖明陞祖大德考光華性好義人稱錢義士生子二先生其季也自幼劬學於經無不通尤邃於易蓋以易之爲道統貫天人雖京孟虞鄭諸大

龔翁詩鈔

銘

三

儒高摘冥取亦止見仁見知各道所得夫固畢生探索而不能盡者用是致力獨勤焉爲文法先正不漸於時師揣摩之說年三十猶困提學試久之入吳庠尋食餼歲科試輒優等爲壽陽祁文端涇陽張文毅所器而臨川李廷尉聯琇尤奇之評騰纏纏數十言若相賞在文字之外家故貧授徒僅給有以羔幣聘者非其人輒弗應雖屢空泊如也庚申之變先生知會垣不能守馳至祖居嘯傲涇策守禦鄉人夙重先生聞先生言富人輸金粟丁壯習擊刺一時遠近數百里間翕然景從踴躍

恐後聲勢甚偉賊爲之却當時所謂白頭勇者是也無  
何常熟陷勢不支先生義憤形於色至廢寢食逾年今  
相國合肥李公督師至滬上遂往謁陳利害冀以重振  
會中晷疾作殤起就次子國祥於浦東遂卒時同治二  
年五月十六日年五十有六嗚呼自先生之卒以訖蘇  
常戡定白頭勇不復能振矣先生平居有大志意氣軒  
然不可一世隆冬御單袷旁若無人獨與同郡李茂才  
文通相友善每見輒談兵規戰陳形勢叩天嘆惜累日  
夜不能已時朝野歡娛江介無事聞者無不匿笑以爲

龔翁詩鈔

銘

四

狂泊守望一鄉部勒有法而忠義所激尤足感動人人  
之心先生經世遠猶乃漸聞於時其時胡文忠曾文正  
號得人假令能知先生而薦達之其功名所就何可量  
卽不然優遊里巷太平壽考積歲月以躋古作者之林  
其學業又當何如乃進無以建尺寸懷區區之忠未究  
厥用退無以成一家言傳之名山備異日

朝廷之搜訪嗚呼得不謂之非命也耶先生曾援例以  
訓導注銓籍敘團練勞加六品銜非先生志也著有易  
經解十卷詩四卷雜文若干卷亦非先生手定也嘗輯

濠南故友詩刊其賞集行世其篤於風義類如此子二  
長家吉縣學生前卒次國祥廩生能以文行世其學孫  
寶鎔寶錕國祥於同治六年四月朔葬先生於吳縣支  
硯山東龍池之原光緒七年四月十四日先生之配華  
安人卒年七十有三越九月啟先生之兆而耐於右禮  
也安人恭儉慈惠而教子嚴先生得以專精讀書無內  
顧憂者實嘉賴之國祥爲余女弟之壻以余粗知先生  
志行齎狀徵銘余悲先生之不遇不能無疑於當時之  
治國聞者爰爲之銘曰

龠翁詩鈔

銘

五

噫嘻非不得志之老儒卽蹶弛之狂士緊臨川之孤賞  
兮殆猶非先生之知己詎內行之純竺迺不聞知止而  
知足金錫其躬兮鐵石其腸蓋古之狷者而非狂單先  
生之所施果何績而不可熙徒令汝汝賫志而長往矣  
繩以蔽賢其奚辭葱鬱鬱龍池嘉植惟先生之安宅  
韜一時而章千春兮視吾銘其無泐

賜進士出身

誥授中憲大夫 日講起居注官翰林院侍講錢塘後  
學汪鳴鑾撰文并書丹

題辭

不矜才不使氣語語從性情中流出如此方當得一眞  
字太羹味淡元音聲古索解人不得讀竟憮然壬子仲  
春二十五日經畬弟李文通讀於信天巢

翁翁詩鈔

題辭

六

題辭

客緒紛縈改鬢絲得因披豁是君詩清臞標格寒花傲

浩落襟懷濁酒知同輩幾存多難後一編如話昔游時

傳鈔待徧淞南路莫怪留藏七載遲

大稿於丁巳歲見屬久未報命

蒼涼滿目付悲吟一禽高飛入破音

君又號禽翁

鵝蕩扁舟

自煙月鴻山老屋尙雲林賦閒有地容歸夢懷遠何時

展素心長吉歌詞昨編校應知舊雨感司深

李聽雨詩稿存何子

蕃處爲選十之六以待付梓君先曾刊入共賞集

癸亥仲春下澣日辰孫弟劉禧延題于淞南寓齋

禽翁詩鈔

題辭

七

俞翁詩鈔目錄

卷一

古今體詩八十首

卷二

古今體詩八十首

卷三

古今體詩八十首

卷四

古今體詩八十二首

俞翁詩鈔

目錄

龔翁詩鈔卷一

吳縣秋潭錢辰著

篆刻

別有刀如筆能將姓字揚只須一二畫早已理陰陽

附翼吟

昨夜夢仙人附我以兩翼兩翼何參差乘風飛不得天生有手足何庸羽翼爲遙憐萬里程危急少扶持

滄浪亭

獨坐觀魚樂滄浪水正清忽添垂釣意漫動濯纓情一

龔翁詩鈔

卷一

一

代風騷客千秋仕宦名碁枰空世局不著與誰爭

登道山亭

縱覽城中秀登臨只此閒片言能契道卷石可成山地僻林俱靜天高鳥自閒南園憑眺久胸次豁塵寰

春歸曲

江南三月陽春歸天桃無言柳依依九十韶華過草草紅顏漸覺鏡中老人生行樂須及時花前有酒醉莫辭出門我欲尋春去不知春歸在何處

過廢園



草太荒蕪樹欲殘風光只剩竹平安細花滿野多香豔  
也要清閒有福看

秋閨

梧桐風過嫩涼生影轉簾櫳月正明一片秋心何處訴  
深宵獨自撫銀箏

古意

不願郎爲月但願郎爲雲月圓容易缺雲聚常縕縕  
不願郎爲雲但願郎爲月月缺有圓時雲散常分別

登巢雲閣

龔翁詩鈔

卷一

二

偶來高閣上便覺白雲低恐有游人笑詩成不敢題

讀易

陰陽互消長往來無窮期大凡剛與柔中正爲得之妄  
動不知悔孰若靜適宜人事如日月循環理可推日午  
勢必昃月盈勢必虧

范少伯祠

吞吳霸業付浮沈烏盡弓藏閱世深不逐鴟夷悲白浪  
何勞烏喙鑄黃金扁舟豈肯載尤物五牾誰言多利心  
一樣崇祠千載下松風謾謾豁胸襟

韓忠武王祠

錦袍驄馬氣桓桓威懾金人膽欲寒將帥空思伸大義  
廟堂定策守偏安江中桴鼓心何壯湖上騎驢淚未乾  
戰壘陣雲猶不散至今遺像肅瞻觀

聞雁

驚寒何不已孤館最關心撫枕難成夢挑燈乍起吟  
梁秋思切增繳夜愁深徒感征人鬢新霜又暗侵  
余亦天邊雁斯聲不可聞關山悲逆旅風雨恐離羣  
生計三秋稻前程萬里雲向誰哀欲訴嘹唳獨情殷

龔翁詩鈔

卷一

三

對月

今夜雲無片清光萬里寒月中人不見空自倚闌干

芳草

萋萋新雨後一帶夕陽微畢竟爲誰綠王孫猶未歸

稻花

紛紛萬紫千紅外擢穎誰知別有花如雪如霜徧田野  
無風無雨卜年華開來白露中秋節香到柴門近水家  
一片桔槔聲裏望可餐秀色渺何涯

石菖蒲

白花連串綴玲瓏寸草偏爭入藥功卻怪靈根常契石  
誰憐弱質不隨蓬風前細細香千葉雨後青青秀一叢  
收拾磁盆供座右讀書好倩映燈紅

珠玉

珠玉在山淵光彩猶自匿登高復臨深常恐覓難得丈  
夫未遇時懷寶任淪塞落落風塵中能有幾人識

歲暮新樂府四首

醉司命

醉司命司命不可醉善惡既殊途禍福亦異致聰明正

翁翁詩鈔

卷一

四

直神勿以流俗例怪底世人妄作爲悔過但諳工諂媚  
埽庭除治中饋杯盤錯雜酒肴備不願彼蒼明不願司  
命醒平生心迹付冥冥冀將糟粕迷英靈豈知司命神  
主宰自有真聽無聲視無形不昏麴蘖明德馨

越鍾馗

越鍾馗舞且越何須隱山林何須登廊廟英雄不遇時  
每爲僖父笑鬚眉意氣貴軒昂劍珮冠履增光耀奮雄  
威舒長嘯自是超羣出眾材獨我潦倒任譏誚離奇面  
目輒生憎一腔悲憤有誰弔進退無趨起不隨時步趨

魁梧奇偉大丈夫傍人門戶何爲乎

賣癡歎

賣癡歎癡歎不須賣聰明而無福反不若蠢曠嗟今之人自有真不論賢愚論成敗成者自堪誇敗者自足戒弄乖巧逞才能天所忌人所憎何如癡與歎渾然無疑猜彼蒼付畀厚使爾亦多財此奇貨真可居何事汲汲沽之哉高其聲價人疑駭此理能爲幾人解莫笑癡歎不值錢只恐有錢無處買

照虛耗

龠翁詩鈔

卷一

五

照虛耗光四照腰纏十萬貫已朽慳吝恐有鬼相誚牀頭黃金盡無餘羞澀又來鬼相笑舉燭舉燭夜無休耿耿爭看福星耀只怕趨炎附熱多窺戶瞰室又難料寄語持家計寸心無自疑貧富旣命定消息亦時宜金多積虛耗隨夜來照夢亦危

憶年

十三學畫眉十四解歌舞十五鬪紅妝十六工織組二十猶獨居無言淚如雨

詠禽言

終日以詩鳴禽言卻未明紛紛書籍載大抵自呼名  
早晚最關情相喚時晴雨一曲可人聽渾如古樂府

寒食

簇簇新妝笑語譁今朝埽墓幾人家輕舟多向柳陰繫  
踏徧青山看徧花

上巳

鶯啼恰恰百般嬌柳色青青一望遙勝事那堪回首憶  
又逢修禊在今朝

秋蟬

龔翁詩鈔

卷一

六

獨倚柴門思悄然客心如洗早涼天蟬吟亦是尋常調  
一入秋風絕可憐

蹉跎

蹉跎復蹉跎行年二十五一藝不成名生我枉勞苦

辛兒試周

阿辛生十月學語惟曰曰我本愛讀書他年須憤發

秋閨

秋風惡情緒不吹遊子歸羅裳恨輕薄吹妾空依依入  
夜起惆悵欲將琴一揮猶恐聲悽切餘哀動鄰機燈影

勿嫌耿耿燭孤幃夢魂庶相見坐久安可希

雨中培德堂看牡丹

悄然獨倚碧闌干無蝶無蜂又薄寒細數牡丹三百朵  
何人來向雨中看

書感

待聘遲遲已十春菱花一對一傷神梳妝不合當時眼  
眞色從來難悅人

清明

忽驚節序逼清明柳綠桃紅日日晴過半春風好消息

俞翁詩鈔

卷一

七

今朝多在杜鵑聲

古劍

出匣驚秋水爭看古太阿萬金無處鬻千載有人磨鋒  
刃藏埋久精忠激勵多英雄經幾輩供我舞婆娑

寒食

把酒心猶壯游山事已睽不堪寒食節無數子規啼淚  
落花愁對情傷句嬾題同人半寥落回首隔雲泥

寄內

書到方知病秋來健若何飄零憐我甚辛苦賴卿多問

月夜懷永西風涼信過縱教聞促織珍重且停梭

棄婦行

妾本貧家女嫁作貧家婦不敢嫌門第辛苦操井臼豈  
曰能事姑豈曰能事舅婦道應如斯爲感君德厚是時  
情好合恍若琴瑟友何當轉盼間君云非吾偶莫鑒妾  
寸心求全毀亦有寂寞獨居餘坐歎容衰久棄置分所  
宜相安又奚咎猶憶新婚時依依曾執手執手誓同心  
願言偕白首

鴻山謁梁伯鸞祠

龔翁詩鈔

卷一

八

遭時不偶何妨隱裙布釵荆志亦同食力賃春皋廡下  
卜居偕老霸陵中敬爲德本千秋仰清是儒修百世風  
寄語當前來往者立身焉用問窮通

春思

春風習習日遲遲草滿階前水滿池憶別柳當新翠後  
感懷花正半開時吟餘嬾向樓頭倚病起羞從鏡裏窺  
燕子何因來復去屢覘門第費猜疑

支硎道中

楊花落盡又浮萍野鳥閒關信可聽流水小橋三十里

好山何處不青

丙申上巳

久客天涯遠憶家更何心緒紀年華陡驚三月初三日  
喚賣聲聲薺菜花

古寺

六朝鐘磬響頻頻蔓草荒宮不計春名剎標題猶有字  
香龕黯淡自生塵塔尖月照何年樹臺側花逢幾世人  
欲讀舊碑文半蝕苔封蘚剝久湮淪

古碑

龔翁詩鈔

卷一

九

鳥篆蟲書辨欲訛不知岫巖更如何斷殘荒草邱山寂  
剝蝕蒼苔姓字磨建立功名傳已久模糊筆畫仿猶多  
幾人好古勤搜討別檢遺文一讀過

隱仙樓

蛙鼓四圍起山光一帶浮濠南好風景惟有此閒樓

乙兒試周

俎豆干戈莫漫陳立名雖小亦前因壯年郎罷猶難望  
爭望懷中周歲人

秋景

卷簾閒倚晚風斜欲覓新詩手自艾小婢貪看秋色好  
階前種徧鳳仙花

秋情

西風動金井夜色涼如水秋味咽秋心粒粒梧桐子

菊枕

秋雨秋風貯一囊牀頭人倦淡相忘最宜寒擁梅花帳  
夢到羲皇冷亦香

長至卽事

忽逢至日興偏幽寒極陽生歲欲周始覺天時來又復

龠翁詩鈔

卷一

十

獨催人事去如流詩因晝短須留詠酒爲宵長更勸酬  
一例朱門多謁拜紛紛肥馬與輕裘

閨情

遊子去不歸使妾守空幃何如梁上燕雙宿復雙飛  
流雲破空碧雁路天邊長秋風何太早吹儂枕簟涼  
月影穿窗隙晶瑩如玉尺不量情短長空度相思夕  
去去程千里言歸未有期不關名與利底事樂相離

祭詩

焚香酌斗酒祭吾詩千首弗惜費苦心惜無補天手遠

懷古之人規格恥拘守卽事寓其真豈爲垂身後人生  
天地間自有名不朽

贈董又村泰

四壁蕭然一劍寒忍拋彩筆倍辛酸于今幸值太平世  
馬上功名應更難

登挹青樓

小樓高倚一身閒底事今朝得句慳斗酒未消胸塊礪  
倦開青眼對名山

賣花詞

龔翁詩鈔

卷一

七

從來豔色重人間灼灼仙葩采自山換得青錢曾幾個  
憐他憔悴付雲鬢

柳

春風陌上徧生香委地黃金萬縷長可惜依依好情態  
只經煙雨不經霜

望靈巖

名山晴如畫積翠含真姿館娃古遺迹遙望動吟思不  
與眾峯列挺秀尤多奇玲瓏盡隱見天青無雲時

春游晚歸

領得春消息花香一路飛夕陽人影散深樹鳥聲歸題  
壁心猶暇銜杯力已微幾枝風裏柳情緒尚依依

同人登隱仙樓

我輩吟詩地濠南一小樓莫嫌溷城市相賞盡名流胥  
水沿門碧吳山入座幽天然好圖畫得句壁閒留

槃隱居

有客來槃隱詩仙亦酒仙友朋皆不俗名利兩無緣几  
淨窗明地風和日暖天隔牆鐘磬動一味靜如禪

河防一覽書後

龠翁詩鈔

卷一

三

崔鎮隄防成橫衝不復北安用復故河茫茫頌禹德水  
性本利行此道誰人識因而順導之功績莫窺測其始  
決飛雲直恐新渠逼其繼決邳睢平陸渠靡忒銅瓦墮  
難當上流終須塞遂成百世勳無事若神力著書十四  
篇弗失三朝職王命重非輕開編載帝救圖說明地形  
羣議爭辯惑慎厥險要津遵守戒嚴飭修備有變遷章  
程豈容臆往鑑旣昭昭考覈尤宜亟奏疏纂且詳檢括  
情罔匿瞭然在目前堪爲後來式所嗟就下趨日甚勢  
何極居今以思古掩卷長太息

殘菊

別是孤芳性耐寒，縱教憔悴可人看。  
未經吾輩詩狂賞，任爾蕭疏不算殘。

題汪榕亭焚香讀易圖

讀得一部易人生亦足矣，往來天地間盡在此中耳。  
瓣香信手焚圖書，悟妙旨小窗自多明展卷深仰企。

三十初度

閒向小窗坐壯懷，安在哉鑪香拜新月。  
尊酒賞寒梅何事雕蟲藝，空憐倚馬才天心重清福一念一低回。

龔翁詩鈔

卷一

三

燈下旅懷

他鄉何寂寞，靜夜更悽然。  
析急催愁坐，燈寒伴獨眠。  
凝情惟憶舊，撫景自悲年。  
最是浮家好，天涯一繫船。

春燕

風度翩翩信不凡，窺簾幾處話呢喃。  
于今覓得雕梁穩，好把香泥自在銜。

同友登百里樓

危樓壓山巔，高高入雲際。  
結伴共登臨，俯仰暫流憩。  
矧茲物候新，天宇開晴霽。  
極目海與湖，百里何所蔽。  
風景

信自佳相與窮遙睇

宿見山閣曉起

又見春光好朝來萬象和倦嫌紅日早晴覺碧山多曉  
市喧人語深林鬪鳥歌杏花消息近游興動如何

歸思

浪迹湖山寄酒觴夜來無夢不家鄉倚闌題徧思歸句  
覺有歸期日更長

寄友

解情莫便算聰明縱不聰明也解情別有風懷寄惆悵

龔翁詩鈔

卷一

古

落花時節聽啼鶯

印譜

稜稜復稜稜刀如筆可畫心手相印真六體誇爭席樽  
古好探微刻意摹朝夕盤拏盡蛟螭秦漢不拘格碎處  
愛于金完時寶于璧粲若日月章紛然雲霞積蒐羅洵  
嗜奇考訂必求覈雖曰雕蟲藝靈奇此盡闢還宜少秘  
之元氣天珍惜

謁周忠介公墓

英魂烈烈剩孤墳勁柏貞松對夕曛虎阜塔參華表矗

信自佳相與窮遙睇

宿見山閣曉起

又見春光好朝來萬象和倦嫌紅日早晴覺碧山多曉  
市喧人語深林鬪鳥歌杏花消息近游興動如何

歸思

浪迹湖山寄酒觴夜來無夢不家鄉倚闌題徧思歸句  
覺有歸期日更長

寄友

解情莫便算聰明縱不聰明也解情別有風懷寄惆悵

龔翁詩鈔

卷一

古

落花時節聽啼鶯

印譜

稜稜復稜稜刀如筆可畫心手相印真六體誇爭席博  
古好探微刻意摹朝夕盤挈盡蛟螭秦漢不拘格碎處  
愛于金完時寶于璧粲若日月章紛然雲霞積蒐羅洵  
嗜奇考訂必求覈雖曰雕蟲藝靈奇此盡闢還宜少秘  
之元氣天珍惜

謁周忠介公墓

英魂烈烈剩孤墳勁柏貞松對夕曛虎阜塔參華表矗

蓮涇水到墓門分奸流一例歸黃土浩氣千秋貫白雲  
洗讀殘碑頻灑淚西風滿目感悽涼

自君之出矣

自君之出矣彈箏不成聲思君忘坐久秋高來雁鳴  
自君之出矣簪花覺無色思君立闌階臨風望何極

野花

一枝村落裏也是送春來不入繁華眼無言只自開

龔翁詩鈔卷二

吳縣秋潭錢辰著

何山登高

每逢佳節愛行吟  
黃葉蕭疏曲徑深  
一角獅山頻眺望  
千秋鶴阜好登臨  
爲尋名勝懷高士  
不佩茱萸覓土稭  
資福寺前鐘磬晚  
盤桓動我結廬心

月夜遊石湖

不須菊酒與莼鱸  
載月人來泛石湖  
兩岸煙光迷樹暗  
一天風色轉帆孤  
忽聞村笛清如許  
何處漁燈淡欲無  
龔翁詩鈔  
卷二  
一  
未必上方通上界  
紛紛何事走羣巫

絡緯

機聲鳴不了  
從昏直到曉  
軋復蕭蕭經緯知多少

蝸

一葉不勝危  
風清欲墜時  
自憐雙翼薄  
難近最高枝

小至旅懷

水源木本思無極  
今夜因時感最真  
遙想深閨主中饋  
呼兒代父拜先人

探梅

風雪寒益嚴有梅尋不得昨夜聞一枝已透春消息今  
日景更佳騎驢過巖側暗香先動人遙望不可卽相看  
片刻閒小別經年憶欲去猶遲遲低回意何極

天宮寺吳道子畫壁請裴將軍舞劍歌

天宮寺壁巍然高淋漓畫筆何雄豪乾坤慘淡泣神鬼  
煙雲出沒驚風濤往來無人敢仰視相對嘖嘖歎觀止  
意匠經營世所希千載名傳吳道子道子大筆真如椽  
縱橫流利勁復圓想其掀髯呼紙紙不得彩墨亂灑苔  
花妍爲聞裴將軍舞劍良不羣肯爲吳生一揮手致詞

龔翁詩鈔

卷二

二

何惜通殷勤將軍舞劍誠奇絕青天可倚雲可決風生  
雷走快一試四堵驚心已擊節初看矯捷如鷹揚旋見  
騰擲似龍驤往來揮霍劇人目瞥然卻立凝寒光將軍  
釋劍渾無事道子揮毫欣得意千態萬狀盡其奇能教  
一顧自珍異舞者本爲畫助神畫者能爲舞寫真古壁  
風雲好呵護毋使遺跡久湮淪

登見山閣

幸得居同里何妨日日來山多傳畫意秋遠助詩才帆  
影半江渡鐘聲鄰寺催此閒容坐久欲去復徘徊

論文

苦心研鍊總成空白戰難收尺寸功安得精兵三十萬  
指揮如意見英雄

論詩

不是真情兼實理無關世道與人心一時得句終狼藉  
何事低頭苦苦吟

聞砧

小樓寒逼一燈檠欹枕愁添夢不成涼到乍知秋有信  
夜殘偏是月無聲邊關欲下征人淚刀尺頻添少婦情  
齋翁詩鈔

卷二

三

雜感

流水去無回殘花落更開青春愁裏度白髮客中催少  
壯偏多病孤寒况不才呢喃雙燕子日日繞簾來  
有志居人上其如碌碌何病來思自在時去覺蹉跎夢  
爲驚惶短詩因感慨多縱然風景好無奈客中過  
不作趨時客寒窗守寂寥浮生皆逆旅好夢半春宵酒  
易花前醉人多馬上驕高山流水趣知否問漁樵  
不敢倚闌干春風料峭寒有懷憐夢短無緒惜花殘志

託千秋遠書傳一字難階前生意滿好景靜中觀  
寂寞書窗下悠然見性靈一心明月白雙眼曉山青我  
亦貧非病人惟德是馨不知春去未鎮日戶常扃  
中宵猶起舞撫劍意留連人靜燈如語家貧鼠數錢此  
情難免俗無藥可求仙耿耿何時旦秋心欲問天  
感慨起高吟挑燈坐夜深多情懷舊友片夢覺寒衾窗  
隙風侵骨階前雨碎心欲彈琴一曲猶是待知音  
長嘯發高詠茫茫慰所思難教酬遠志應許學良醫憂  
樂何常者安懷小試之兩間能幾輩一笑解隨時

龠翁詩鈔

卷二

四

虎邱

綠楊一帶路彎簫管嘈嘈畫舫閒耐得游人閒領略  
虎邱畢竟是真山

畫梅

早開曾未借春光一樣疏枝逗暗香脫盡寒酸成傲骨  
不知人世有冰霜

石湖別墅

參政築園石湖濱佳山佳水俱宜人園中何爲多種橘  
橘到歲寒心可質園中何爲多種梅梅到歲寒花始開

梅橘今皆無何有沿隄種徧桃與柳

獨酌

人生無百年老大徒自憐及時急行樂忽悟在目前  
前一尊酒對酌少良友風味何太辛亦頗悅我口醉鄉  
天地寬託身閒且安陶然願言志高歌有餘歡

冬日登巢雲閣

寒雲宿高閣客來思悄然人生不得意每多山水緣閒  
坐試佳茗知是陸羽泉空林落黃葉朔風吹滿天蒼莽  
暮煙起欲去猶留連

俞翁詩鈔

卷二

五

雁來紅

一葉一秋色葉葉秋消息秋思滿階前臨風望何極

寓言

玉未山中獲珠須海底尋自憐雙手在安得畏高深

歲寒

歲寒風景樂如何但覺今年興更多紅日半窗人睡足

曉炊新進任調和

粉粥也

夢梅

紙帳微茫雪月天芳魂渺渺認癡仙分明庾嶺開新境

隱約孤山續舊緣人在暗香疏影外路迷茅舍竹籬邊  
回思含笑無言候漏永燈殘已杳然

感懷

遠人不可思含情徒淒切縱使會面賒何遽音書絕昨  
夜夢依依渾似當年別今日攜琴尊難解此中結

雨窗排悶

時兵警廣東

不妨縱酒且狂歌婦稚無知喚奈何還是江南風景好  
只愁陰雨一春多

鳳皇

俞翁詩鈔

卷二

六

鳳皇生丹穴託身在梧桐鳴聲中音律喈喈和八風一  
飛出雲表不入羅罔中回翔視塵世不少荆棘叢崇罔  
縱多竹結實空復空來儀望何極心非凡鳥同

平望

林霽開煙雲四望極平野澄波清于鏡飛檣快如馬舒  
嘯願長征心非愛游冶臨流聊賦詩亦足擅風雅

登煙雨樓題壁

柳隄新綠半含黃水色迷離淡日光卻怪登樓吟眺客  
只談煙雨與鴛鴦

過若耶溪

美人山色白雲迷一望遙村竹樹低沽酒劇憐風味別  
烏篷聽雨若耶溪

飛來峯

四圍濃翠一峯迴法相華嚴面面開西土傳聞稱極樂  
不知何故卻飛來

宿法相寺補竹山房

松徑曲復深雲蔽梵天宅有客遊山來一路入幽僻暮  
煙空鳥飛四望極濃碧俯聽鳴泉流已覺煩襟釋僧房

龔翁詩鈔

卷二

七

花木稀種竹地無隙登樓思遐觀高岡聳千尺安坐養  
神怡小榻情彌適倡和壁閒詩聊以永今夕好參玉版  
禪佳廚供香積

冷泉亭

不染塵外喧悟徹寰中靜湛若供目娛悠然極心領含  
風澄翠微瀉日澹波影活潑有靈源幽迴絕凡境小坐  
虛亭閒欲汲憑修綆安得枕此流夢與泉俱冷

孤山謁林和靖先生墓

我亦謝塵囂來謁先生墓及時正好春題詩徧梅樹亭

空鶴不來試茗容小住湖山信無雙幾輩得真趣處士  
全其天千秋令人慕仰視飛白雲俯看浴沙鷺停舟欲  
忘歸留連日云暮

題吳山酒家壁

爲愛杭州酒吳山酩酊來鶯新聲乍試梅老萼齊開蕩  
漾湖光綠蒼茫暮色催忽聞喧鼓角恨乏濟時才

舟過寒山

篷窗月出客心間一棹蘭溪往復還塔影長隄渾似臥  
輕風穩送過寒山

龔翁詩鈔

卷二

八

哭董又村

同是愚憨性率真與君氣味最相親而今望市墩前步  
又弱談兵一個人

有所思

中心有所思輾轉不成夢丈夫知自強勝算空抱甕

贈梅

紅紫縱千萬雪霜將若何一年寒日少天下好花多

感詠

且向鶴林寄一枝雲程迢遞倦飛時偶逢蘭友沽新酒

閒與荆妻說舊詩百事蹉跎年已壯一生落拓性成癡  
自憐回首渾如夢有過于今覺悔遲

高山流水慣登臨樂境何妨到處尋不憚衣冠頻拜石  
獨憐風月試彈琴縱橫只有雙空手終始無非一小心  
自顧猶云頭未白無聞已覺負恩深

踏青留得杖頭錢俯仰生機滿眼前野竹閒花芳草地  
淡雲微雨夕陽天欲求甚解無非幻能洗塵心卽是仙  
一樹寒梅雙白鶴幾人修到老林泉

讀書恨不十年成忽覺閒中歲月更秋到階前蟲促織

龠翁詩鈔

卷二

九

春來野外鳥催耕爲嫌筆墨空經濟應悔煙霞誤性情  
采得靈芝休暗祝斷無貧賤可長生

旅懷

世味深嘗酸更辛也知名利是前因甘辭桑梓多情地  
苦作關山失意人恍惚妻孥頻入夢飄零琴劍獨隨身  
羞將故態歸鄉里回首平生志未伸

送春感詠

春日忽云暮感時空短吟人生不適意真樂何處尋朝  
夕玩花月尊酒非素心牀頭有綠綺莫歎無知音一彈

洗塵慮清風開羅襟

醒頭草

幾瓣青青葉微搓別有馨何人頭亦醉卻喚草來醒

鳳仙花

彩鳳羽翩翩開來五色妍如何不飛去冷落玉階前

西施菊

爲誰顰笑舞風前開到籬邊亦自憐絕好一枝傾國色  
傲霜猶帶捧心妍

冬夜同內作

龔翁詩鈔

卷二

十

寒雞一啣一聲雄不倦還疑夜未中我自讀書卿自織  
一燈清照兩心同

春風

春風日夜棟子落鄉人都道春風惡春風何苦棟子留  
偏是老農卜有秋寄語春風且休歇留得棟子過正月

虎邱玉蘭房玉蘭歌

天地英華都在才人筆誇多鬪靡本真失一時千手爭  
描摹虎邱山後木蘭寫不出木蘭之樹參天長迎春一  
開滿山香真色從來天下貴何事當年供汴梁天生美

質不能秘流離難禁中道棄諸神呵護散飛花等閒洗  
盡繁華地乍訝冰姿雪貌姑射山還疑瓊樓玉宇廣寒  
閒玉龍鱗甲無足比仙姿迥出超塵寰心與白蓮洗淨  
業動與飛鶴相馴狎七百餘年清且奇可憐曾歷雷霆  
劫我吳古桂在東城一株高拔莫與京世遠畢竟歸湮  
沒惟有南渡木蘭留其名煙雨樓前蘭溪下吐榮發秀  
占風雅樹高十丈如玉峯所見未必逮聞者我來虎邱  
玉蘭房看花欲去猶徬徨根本深蟠枝榦老蒼松古柏  
同軒昂古來園林易遷改花託名山香常在詩人願與  
龔翁詩抄

卷二

七

花長留瓊章瑤蕊一例傳千載

送春

小飲心何壯長吟句未工有懷當落日無夢逐春風病  
寄牢騷裏愁生感慨中憐予坐岑寂孤負好花紅

端午

研朱潑墨畫天師避惡靈符正及時道院肅清檀越儉  
家家只挂破鍾馗

白雲

一片澄波落影虛寫來秋意淡何如文章本色休嫌薄

自在天風卷復舒

金山懷古

金碧湧中流亭亭映五色妙高巖最高攝衣登不得東  
觀朝旭升海門當其塞西望送夕陽岷江瀉何直醜酒  
懷英雄百戰期必克騎驢老湖山千載令人憶回首蘇  
長公心爲禪機逼玉帶至今留鎮門有惠德隱見驚魚  
龍風走陰崖黑弔古試泉清含情思無極

北固山

北固山樓迴停舟此一登波濤連鐵甕形勢控金陵地

龔翁詩鈔

卷二

三

闕風聲走天低雲氣蒸曠然憑四望更上最高層

同楊翰香

煥華

柳生

炳華

宿韋蘇州祠

四壁靜無譁松陰滿徑遮青天千里月午夜一聲鴉柝  
急驚殘夢燈寒訝落花同人曾未寐朝旭上窗紗

卜築

卜築惟耽靜圖書足自怡居貧常抱拙善病漸通醫舒  
卷春雲態襜褕野鶴姿長生端有訣寂寞不堪期

平居

俯仰天地間何得復何失樂此求道心憂無濟時術采

藥入深山窮經及佳日難爲婦子賢安安處一室

述意

能得書之力卒爲天下珍兒孫縱貧賤莫作市中人  
有志三年學名園目不窺毋爲小兒女終日惜花枝

臨池

曉起琴書事事幽臨池風景足句留久居村僻兒荒學  
始悔謀生賦遠遊

重陽後枕上口占

昨日傾囊稅已輸今年不復有催租夜來高枕悠然臥

龔翁詩鈔

卷二

三

翻恨新詩一句無

立春前一日歸家

匆匆一棹歲寒天不放春歸在客先問我到家何所事  
詠詩閒倚老梅邊

登萬峯道場

城市徧春風探梅至元墓四圍山氣佳猶未開晨霧湖  
波浮渺茫一覽豁襟素自昔有高僧卓錫此間住我來  
非參禪閒散動吟趣忽聞古寺鐘餘響入雲樹

閨情

寥落閨中年復年獨拋脂粉倩誰憐淡妝那得入時俗  
花折不簪空自妍

癸卯人日

昨日雨雪今日晴蔬酒又向東郊行生意漸來渾不識  
好春何處及時迎

和海鹽顧竹尹湘自嘲原韻

倚醉高歌迴不侔最消清福是清流君何客感深如許  
我亦名心淡欲休浪跡雲山同野鶴寄情煙水一沙鷗  
人生行樂應須早莫漫牢騷鬢易秋

龔翁詩鈔

卷二

四

和楊翰香憶孤山梅花

欲請長纓恨路無偶然插腳到西湖士爭真品非關隱  
山負高名不算孤勞我夢魂常縈縈羨君詩句亦清曠  
何時重買扁舟訪領畧亭邊第一株

有懷

清節寸心知微軀死不辭鉅橋雖有粟敢救首陽饑  
尙義希千古多才累一身聰明惟女子慷慨只窮人

讀易

小坐閒窗寄此身一編周易見天真自家消息曾參透

願作橋頭賣卜人

觀耘

溝水如沸湯赤日正亭午插腳淤泥中嗟爾農夫苦勞  
力分固宜治田敢芥鹵粒粒收珍珠此時苦莫補

莫愁湖

芙蓉開處豔香風蓋世功勳轉眼空一水留名綠粉黛  
女兒畢竟勝英雄

望金山

穩趁風波往復還一帆如入畫圖閒眼前莫道金山小

龔翁詩鈔

卷二

五

砥柱中流只此山

惠泉

一池水盈尺終古光澄碧挹注無時窮知是通山脈中  
冷亘長江洪流與之隔汲引縱多奇真源豈易獲此閒  
車馬煩清泉介于石愛賞多名流作亭爲珍惜我來試  
烹茶七碗煩襟釋同是在山時何渠獨清白

